

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

XXVI.

[urn:nbn:de:bsz:31-122751](#)

strahor. Præterita enim die solis proxima cœpi respondere Sturmio, respondeo autem acriter, ut intelligat, quod mihi cor non abstulerit, sed dederit. Non enim hominis futilem loquacitatem metuo, qui mentiri & calumniari didicis, vera scribere non didicis. Retundam igitur, Domino me bene juvante, ipsius insolentiam: sed Antisturmius meus alter duplo erit prolixior priore, ut ego quidem nunc video. Quia vero Illustrissimos Electores & Principes graviter Sturmius Quarto suo Antipappo offendit, existimo intra paucos dies Senatum Argentinensem Electorum literas accepturum, quibus denuo Senatum de subscriptione formulæ C. appellant, & de Sturmii calumnias conquerantur. Hæc R. tuæ solum scribo. Bene & fœliciter tua R. valeat, & pro me Dominum oret, ut me suo spiritu gubernet. Reverenter tuam Exc. salutat Consistorium Ecclesiasticum. Datæ raptim, 2. Novembr. Stuttg.
Anno 80.

R. 114

studioſiff.

Lucas Osiander, D.

XXVI.

R Ammingerus tuas mihi exhibuit, quibus intelligo te mediocri uti valetudine, quod tanto majore gaudio accipio, quanto graviore solicitudine afficio, quoties te gravius afflictum narratur mihi; et si etiam ego cum perpetua imbecillitate confector, ex DEI enim gratia non patior dolores, & defluxionibus gravatur caput, quæ non sinunt linguam esse expeditam; unde fit, ut concionari non valeam, etiam si prælectionibus utcumque sufficiam. Domini manus est, cui me submitto & permitto. Antipappum Sturmii quartum apud Bibliopolas non vidi, sicuti nec alios, qui pridem prostant, quod contentionum satur sim, præsertim cum nihil adferatur, quod non dictum sit prius. Et sunt, qui responderunt, Osiander & Pappus, quorum apologetica scripta libenter cognovi, ex corundem lectione etiam adversaria, si tamen incidere in hoc, etiam Sturmii legerem, à te monitus. Formula concordiaæ in vulgata publicè prostat & legitur. Eam quidam odioso calumniantur, & quantum in se est, vellent decreto à Magistratu prohiberi, ne venderetur, sed spero, eos in vanum abiuros conatus, nec caritatum fructu hoc opus, quo tam enucleare multa religionis capita explicantur, & refutantur errores. Insurgent indubie complures, allatraturi & arrosuri librum, sed in propriam confusionem, stabit enim immota Christi veritas. Sed de his plura proxime, non enim vacat in præsentiarum copio-

copiosius scribere. Commando te gratia DEI cum uxore, filiis, Obrechto & toto presbyterio. Basileæ, 7. Novembris, Anno 80.

Tuus ut semper ex animo

Sulcerus.

XXVII.

(Philippo Marbachio.)

S. D. Reverende & clarissime Domine Doctor.

Quod nepotum meorum patrocinium fidele isthic suscepisti, ac Davidi Razio locum in ~~modi~~ vestrum ~~modi~~ ~~modi~~ vestro conferre dignatus es, reverenter tibi gratias ago, teq; oro, ut inchoatum beneficium pertexas, & cum eò venerit adolescentis, paterna fide eum complectaris. Cogito ad nondinas Liplicas novi anni cum ablegare, ut inde cum aurigis Francofurdianis ad Mœnum perveniat. Quælo ut consilium tuum mihi indices. Sturmio nimis seriò frenum injicerit, cum omnem virulentiam in omnes, quos odit, jam effuderit, nec video, quid addere priori maledicentie possit. Magirum, me ignavo cessante, patrocinium verè sententia Confessionis Aug. suscepisse, lator. Intelligebam ex tuis literis, patrem etiam tuum aliquid opposuisse, quod nondum mihi videre licuit: Epidemia hæc lues filiam Sophiam mihi abstulit. Obiit & Johannes Senior, Holsatæ Dux, Adolphi frater, Friderici Danicæ Regis paterius, qui vinculum concordiaz inter Danos & Holsatos hue usque fuit. De Bibone vestro, & Scallingio Ambergense cupio à te doceri, an vobis se in confessione conjunxerint? Bene vale. Idibus Novembris.

David Chyträus.

XXIX.

(Philippo Marbachio.)

S. D. Reverende & Clarissime vir, amice colende.

Redit ad vos tabellarius noster, per quem, si quid interea illi categoricè responderunt de nepotum meorum negocio, significabis. Davidem Razium, Pfedersheimensem, valde ingeniosum, & feliciter in schola patriæ tua institutum adscen-